

53 pelajar UMP ikuti kem tingkat kemahiran bahasa Inggeris

VM (R/16) Klu 4/2/13 ms26

KUANTAN 5 Feb. - Cuti semester di Universiti Malaysia Pahang (UMP) ketika ini memberi peluang kepada 53 penuntut universiti itu mengikuti Kem Wonderful World of English di Janda Baik, Bentong baru-baru ini.

Penganjuran kem itu yang dijalankan Pusat Bahasa Modern dan Sains Kemanusiaan (PMBKS) universiti tersebut merupakan kali kelima diadakan bagi meningkatkan minat para penuntut dalam penguasaan bahasa Inggeris.



Menurut Guru Bahasa PBMSK, Nor Suhardiliana

Saha, Kelab Intellegensia juga aktif mengadakan program tertentu seperti *Spell It Right UMP*, *So You Think You Can Speak* serta merancang menganjurkan program *Oh! My English* dan kuiz bahasa Inggeris.

"Selama tiga hari program itu diadakan, para penuntut dikehendaki menggunakan bahasa Inggeris untuk bertutur dengan rakan lain dan markah kumpulan akan ditolak sekiranya gagal mematuhi syarat ini," katanya.

Nor Suhardiliana berkata, aktiviti dilakukan juga berbentuk permainan dalam bahasa Inggeris yang men-



SEBAHAGIAN daripada 53 penuntut Universiti Malaysia Pahang (UMP) yang mengikuti program meningkatkan kemahiran bahasa Inggeris di Janda Baik, Pahang, baru-baru ini.

cabar minda dengan menekankan aspek pendengaran dan percakapan.

Dalam pada itu, penuntut Ijazah Pengajian Kejuruteraan Kimia, Siti

Hajar Abdul Hamid berkata, kem itu berjaya mengetengahkan pembelajaran lebih efektif kepada para penuntut supaya dapat digunakan wa-

laupun berada di luar kuliah.

"Aktiviti yang dijalankan lebih santai dan membuatkan para penuntut seronok mempelajari bahasa Inggeris

dengan lebih mendalam," katanya.

Bagi penuntut Fakulti Sains dan Teknologi Industri (FSTI), Amir Hashim menyifatkan penyertaan-

nya dalam kem itu membuatkan dia lebih berani berkomunikasi dalam bahasa Inggeris di khalayak ramai.